

四庫全書

史部

欽定四庫全書

史部

史記正義卷七至卷八

詳校官編修臣李如筠

欽定四庫全書

史記正義卷七

唐張守節撰

項羽本紀第七

史記七

項籍者下相人也

括地志云相故城在泗州宣預縣西北七十里秦縣項胡講反籍秦昔反

字羽初起時年二十四其季父項梁梁父即楚將項燕

燕為賢反為秦將王翦所戮者也項氏世世為楚將封於項

括地志云今陳州項城縣城即古項子國故姓項氏項籍少時學書不成去

學劍又不成項梁怒之籍曰書足以記名姓而已劍一人敵不足學學萬人敵於是項梁乃教籍兵法籍大喜畧知其意又不肯竟學項梁嘗有櫟陽逮櫟音藥連音代乃請

斬獄掾曹咎書抵櫟陽獄掾司馬欣以故事得已項梁殺人與籍避仇於吳中吳中賢士大夫皆出項梁下每吳中有大繇役及喪項梁常為主辦陰以兵法部勒賓客及子弟以是知其能秦始皇帝游會稽渡浙江梁與籍俱觀籍曰彼可取而代也梁掩其口曰毋妄言族矣梁

以此奇籍籍長八尺餘力能扛鼎才氣過人雖吳中子弟

皆已憚籍矣秦二世元年七月陳涉等起大澤中其九月

會稽守

守音狩景帝中二年七月更郡守為太守

通謂梁曰

按言假者兼攝之也

江西

皆反此亦天亡秦之時也吾聞先即制人後則為人所制

吾欲發兵使公及桓楚

張晏云項羽殺宋義時桓楚為羽使懷王

將是時桓楚

亡在澤中梁曰桓楚亡人莫知其處獨籍知之耳梁乃出

誠籍持劔居外待梁復入與守坐曰請名籍使受命名桓

楚守曰諾梁召籍入須臾梁酌籍曰可行矣於是籍遂拔

劒斬守頭項梁持守頭佩其印綬門下大驚擾亂籍所擊殺數十百人一府中皆懼服莫敢起梁乃召故所知豪吏諭以所為起大事遂舉吳中兵使人收下縣得精兵八千人梁部署吳中豪傑為校尉候司馬有一人不得用自言於梁梁曰前時某喪使公主某事不能辦以此不任用公衆乃皆伏於是梁為會稽守籍為裨將徇下縣廣陵人召平於是為陳王徇廣陵

揚州

未能下

下胡家反以兵威服之曰下

聞陳王敗走秦兵又且

至乃渡江矯陳王命

矯紀北反召平從廣陵渡京口注至吳詐陳王命拜梁

拜梁為楚王

王上柱國曰江東已定急引兵西擊秦項梁乃以八千人

渡江而西聞陳嬰已下東陽

括地志東陽故城在楚州盱眙縣東七十里秦東陽縣

城也在淮水南

使使與連和俱西陳嬰者故東陽令史

楚漢春秋云東陽獄

史陳嬰

居縣中素信謹稱為長者東陽少年殺其令相聚

數千人欲置長無適用乃請陳嬰嬰謝不能遂彊立嬰

為長縣中從者得二萬人少年欲立嬰便為王異軍蒼頭

特起陳嬰母謂嬰曰自我為汝家婦未嘗聞汝先古之有

貴者今暴得大名不祥不如有所屬事成猶得封侯事敗

易以亡非世所指名也嬰乃不敢為王謂其軍吏曰項氏
世世將家有名於楚今欲舉大事將非其人不可我倚名族
亡秦必矣於是衆從其言以兵屬項梁項梁渡淮黥布蒲
將軍亦以兵屬焉凡六七萬人軍下邳

被黥反下邳泗水縣也應劭云邳在

薛徙此故曰下邳按有上邳故曰下邳

當是時秦嘉已立景駒為楚王軍彭

城東

括地志云徐州彭城縣名相國也言秦嘉軍於此城之東

欲距項梁項梁謂軍

吏曰陳王先首事戰不利未聞所在今秦嘉倍陳王而立景
駒逆無道乃進兵擊秦嘉秦嘉軍敗走追之至胡陵嘉還

戰一日嘉死軍降景駒走死梁地項梁已并秦嘉軍軍胡

陵將引軍而西章邯軍至栗項梁使別將朱雞石餘樊君

與戰餘樊君死朱雞石軍敗亡走胡陵項梁乃引兵入薛

括地志云

故薛城古薛侯國也在徐州滕國縣界黃帝之所封左傳曰定公元年薛宰云薛之祖奚仲居薛為夏車正後

為孟嘗君曰又封邑也

誅雞石項梁前使項羽別攻襄城

許州襄城

縣襄城堅守不下已拔皆阮之還報項梁項梁聞陳王

定死召諸別將會薛計事此時沛公亦起沛往焉居鄴

人范增年七十素居家好奇計往說項梁曰陳勝敗固

當

顧著作云固宜當應敗也當音如字

夫秦滅六國楚最無罪自懷王入

秦不反楚人憐之至今故楚南公曰

虞喜志林云南公者道士識廢興之

數知亡秦者必於楚漢書藝文志云南公十三篇六國時人在陰陽家流

楚雖三戶亡秦必

楚也

按服虔云三戶漳水津也孟康云津峽名也在鄴西三十里括地志云濁漳水又東經葛公亭北經

三戶峽為三戶津在相州澄陽縣界然則南公辨陰陽識廢興之數知秦亡必於三戶故出言後項羽果度三戶津破章邯軍降章邯

秦遂亡是南公之善識

今陳勝首事不立楚後而自立

其勢不長今君起江東楚蠡起之將皆爭附君者以君

世世楚將為能復立楚之後也

為于偽反

於是項梁然其言

乃求楚懷王孫心民間為人牧羊立以為楚懷王從民

所望也陳嬰為楚上柱國封五縣與懷王都盱台

盱況于反

盱以之反盱盱今楚州臨淮水懷王都之

項梁自號為武信君居數月引兵

攻亢父

亢音剛又若浪反父音甫括地志云亢父故城在兗州任城縣南五十一里

與齊田

榮司馬龍且

子余反

軍救東阿

括地志云東阿故城在濟州東阿縣西南二十五里

漢東阿縣城秦時齊之阿也

大破秦軍於東阿田榮即引兵歸逐其

王假假亡走楚假相田角亡走趙角弟田間故齊將居

趙不敢歸田榮立田儋子市為齊王項梁已破東阿下

軍遂追秦軍數使使趣

下使色吏反趣音促

齊兵欲與俱西田榮

曰楚殺田假趙殺田角田間乃發兵項梁曰田假為與

國之王窮來從我不忍殺之趙亦不殺田角田間以市

於齊齊遂不肯發兵助楚項梁使沛公及項羽別攻城

陽

括地志云僕州雷澤縣本漢邲陽在州東九十一里地理志云城陽屬齊陰郡古邲伯國姬姓之國

史記周武王封季弟戴于邲其後遷於城之陽故曰城陽

屠之西破秦軍濮陽東

括地

志云濮陽縣在濮州西八十六里濮縣也古吳之國按攻城陽屠之西破秦軍濮陽縣也軍即此縣東

秦

兵收入濮陽沛公項羽乃攻定陶

定陶曹州城也從濮陽南攻定陶

定

陶未下去西畧地至雒丘

雍丘今汴州縣也地理志云古杞國武封禹後於杞號東

樓公二十一世簡公為楚所滅即此城也

大破秦軍斬李由還攻外黃

括地志云

故周城即外黃之地在雍丘縣東張晏曰魏郡有內黃縣故加外也臣瓚曰縣有黃濟故名

外黃未

下項梁起東阿西北至定陶再破秦軍項羽等又斬李

由益輕秦有驕色宋義乃諫項梁曰戰勝而將驕卒惰

者敗今卒少惰矣秦兵日益臣為君畏之項梁弗聽乃

使宋義使於齊道遇齊使者高陵君顯曰公將見武信

君乎曰然曰臣論武信君軍必敗公徐行即免死疾行

則及禍秦果悉起兵益章邯擊楚軍大破之定陶項梁死沛公項羽去外黃攻陳留陳留堅守不能下沛公項

羽相與謀曰今項梁軍破士卒恐乃與呂臣軍俱引兵

而東呂臣軍彭城東項羽軍彭城西沛公軍碭

括地志云宋州

碭山縣本漢碭縣也在宋州東百五十里

章邯已破項梁軍則以為楚地兵

不足憂乃渡河擊趙大破之當此時趙歇為王陳餘為

將張耳為相皆走入鉅鹿城章邯令王離涉間圍鉅鹿

章邯軍其南築甬道而輸之粟陳餘為將將卒數萬人

而軍鉅鹿之北此所謂河北之軍也楚兵已破於定陶
懷王恐從盱台之彭城并項羽呂臣軍自將之以呂臣
為司徒以其父呂青為令尹以沛公為碭郡長封為武
安侯將碭郡兵初宋義所遇齊使者高陵君顯在楚軍
見楚王曰宋義論武信君之軍必敗居數日軍果敗兵
未戰而先見敗徵此可謂知兵矣王召宋義與計事而
大說之因置以為上將軍項羽為魯公為次將范增為
末將救趙諸別將皆屬宋義號為卿子冠軍行至安陽

留四十六日不進

括地志云安陽縣相州所理縣七國時魏寧新中邑秦昭王拔魏寧新中

更名安陽張耳傳

云章邯軍鉅鹿南築甬道河餉王離

項羽數絕邯甬道

王離軍乏食項羽悉引兵渡河遂破

章邯圍鉅鹿下又

云渡河湛船持三日糧按從滑州白

馬津齋三日糧不

至邢州明此渡河相州漳河也宋義

遣其子裏相齊送

之至無鹽即今郛州之東宿城是也

若依顏監說在相

州安陽宋義送子不可棄軍渡河南

向齊西南入魯界

飲酒高會非入齊之義雖知送子曲

由宋州安陽理順

然向鉅鹿甚遠不能數絕章邯甬道

及持三日糧至也

均之二理安陽送子至無鹽為長濟

河絕甬道持三日

糧寧有遲留史家多不委曲說之也

項羽曰吾聞秦軍圍趙王鉅鹿疾引兵渡河楚擊其外

趙應其內破秦軍必矣宋義曰不然夫搏牛之蝱不可

以破蟣蟲今秦攻趙戰勝則兵罷我承其敝不勝則我引兵鼓行而西必舉秦矣故不如先鬪秦趙夫被堅執銳義不如公坐而運策公不如義因下令軍中曰猛如

虎很如羊

很何
懇反

貪如狼彊不可使者皆斬之乃遣其子

宋襄相齊身送之至無鹽飲酒高會天寒大雨士卒凍

飢項羽曰將戮力而攻秦久留不行今歲饑民貧士卒

食芋菽軍無見糧

胡練反顏監云
無見在之糧

乃飲酒高會不引兵

渡河因趙食與趙食與趙并力攻秦乃曰承其敝夫以

秦之彊攻新造之趙其勢必舉趙舉而秦彊何敝之
承且國兵新破王坐不安席埽境內而專屬於將軍國
家安危在此一舉今不恤士卒而徇其私非社稷之臣
項羽晨朝上將軍宋義即其帳中斬宋義頭出令軍中
曰宋義與齊謀反楚楚王陰令羽誅之當是時諸將皆
惴服莫敢枝梧枝音之移反梧音梧皆曰首立楚者將軍家也今
將軍誅亂乃相與共立羽為假上將軍未得懷王命也假攝也使人
追宋義子及之齊殺之使桓楚報命於懷王懷王因

使項羽為上將軍當陽君蒲將軍皆屬項羽項羽已殺

卿子冠軍威震楚國名聞諸侯乃遣當陽君蒲將軍將

卒二萬渡河

漳水

救鉅鹿戰少利陳餘復請兵項羽乃悉

引兵渡河皆沈船破釜燒廬舍持三日糧以示士卒必

死無一還心於是至則圍王離與秦軍遇九戰絕其甬

道大破之殺蘇角虜王離涉間不降楚自燒殺當是時

楚兵冠諸侯諸侯軍救鉅鹿下者十餘壁莫敢縱兵及

楚擊秦諸將皆從壁上觀楚戰士無不一以當十楚兵

呼聲動天諸侯軍無不人人惴恐於是已破秦軍項羽
召見諸侯將入轅門無不膝行而前莫敢仰視項羽由
是始為諸侯上將軍諸侯皆屬焉章邯軍棘原項羽軍

漳南

括地志云濁漳水一名漳水今俗名柳河在邢州平鄉縣南注水經云漳水一名大漳水兼有澠水

之目也

相持未戰秦軍數却二世使人讓章邯章邯恐使

長史欣請事至咸陽留司馬門三日趙高不見有不信

之心長史欣恐還走其軍不敢出

走音秦

故道趙高果使

人追之不及欣至軍報曰趙高用事於中下無可為者

今戰能勝高必疾妬吾功戰不能勝不免於死願將軍孰計之陳餘亦遺章邯書曰白起為秦將南征鄢郢北阬馬服攻城畧地不可勝計而竟賜死蒙恬為秦將北逐戎人

開榆中地數千里竟斬陽周

括地志云寧州羅川縣在州東南七十里漢陽周縣

何

者功多秦不能盡封因以法誅之今將軍為秦將二歲矣所亡失以十萬數而諸侯並起滋益多彼趙高素諛日久令事急亦恐二世誅之故欲以法誅將軍以塞責使人更代將軍以脫其禍夫將軍居外久多內卻有功亦誅且

天之亡秦無愚智皆知之今將軍內不能直諫外為亡國將孤特獨立而欲常存豈不哀哉將軍何不還兵與諸侯為從約共攻秦分王其地南面稱孤此孰與身伏鈇質妻子為僇乎章邯狐疑陰使侯始成使項羽欲約約未成項羽使蒲將軍日夜引兵度三戶軍漳南與秦戰再破之項羽悉引兵擊秦軍汙水上

括地志云汙水源出懷州河內縣北大行山又云故邶城

在河內縣西北二十七里古邶國地也左傳云邶晉應韓武之穆也

大破之章邯使人見項

羽欲約項羽名軍吏謀曰糧少欲聽其約軍吏皆曰善項羽

乃與期洹水南殷虛上已盟章邯見項羽而流涕為言趙高

項羽乃立章邯為雍王置楚軍中使長史欣為上將軍將秦軍

為前行

胡郎反

到新安

括地志云新安故城在洛州滎池縣東一十三里漢新安縣城也即坑秦卒處

諸侯吏卒異時故繇使屯戍過秦中秦中吏卒遇之多無
狀及秦軍降諸侯諸侯吏卒乘勝多奴虜使之輕折辱秦
吏卒秦吏卒多竊言曰章將軍等詐吾屬降諸侯今能入
關破秦大善即不能諸侯虜吾屬而東秦必盡誅吾父
母妻子諸將微聞其計以告項羽羽召黥布蒲將軍計曰秦

吏卒尚衆其心不服至關中不聽事必危不如擊殺之而獨與章邯長史欣都尉翳入秦於是楚軍夜擊阬秦卒二十餘萬人新安城南行畧定秦地函谷關

地括

志云函谷關在陝州桃林縣西南十二里秦函谷關也圖記云西去長安四百餘里路在谷中故以為名有

兵守關不得入又聞沛公已破咸陽項羽大怒使當陽君等擊關項羽遂入至于戲西沛公軍霸上未得與項羽相見沛公左司馬曹無傷使人言於項羽曰沛公欲王關中使子嬰為相珍寶盡有之項羽大怒曰旦日饗士

卒為擊破沛公軍當是時項羽兵四十萬在新豐鴻門
沛公兵十萬在霸上范增說項羽曰沛公居山東時貪
於財貨好美姬今入關財物無所取婦女無所幸此其
志不在小吾令人望其氣皆為龍虎成五采此天子氣
也急擊勿失楚尹項伯者項羽季父也素善留侯張良
張良是時從沛公項伯乃夜馳之沛公軍私見張良具
告以事欲呼張良與俱去曰毋從俱死也張良曰臣為
韓王送沛公為于偽反沛公今事有急亡去不義不可不語

良乃入具告沛公沛公大驚曰為之奈何張良曰誰為大王為此計者曰鯁生說我曰距關毋內諸侯秦地可盡王也故聽之良曰料大王士卒足以當項王乎沛公默然曰固不如也且為之奈何張良曰請往謂項伯言沛公不敢背項王也沛公曰君安與項伯有故張良曰秦時與臣游項伯殺人臣活之今事有急故幸來告良沛公曰孰與君少長良曰長於臣沛公曰君為我呼入吾得兄事之張良出要項伯項伯即入見沛公沛公奉

卮酒為壽約為婚姻曰吾入關秋毫不敢有所近籍吏民封府庫而待將軍所以遣將守關者備他盜之出入與非常也日夜望將軍至豈敢反乎願伯具言臣之不敢倍德也項伯許諾謂沛公曰旦日不可不蚤自來謝項王沛公曰諾於是項伯復夜去至軍中具以沛公言報項王因言曰沛公不先破關中公豈敢入乎今人有大功而擊之不義也不如因善遇之項王許諾沛公旦日從百餘騎來見項王至鴻門謝曰臣與將軍戮力而

攻秦將軍戰河北臣戰河南然不自意能先入關破秦
得復見將軍於此今者有小人之言令將軍與臣有郤
項王曰此沛公左司馬曹無傷言之不然籍何以至此
項王即日因留沛公與飲項王項伯東嚮坐亞父南嚮
坐亞父者范增也沛公北嚮坐張良西嚮侍范增數目
項王舉所佩玉玦以示之者三項王默然不應范增起
出召項莊項羽從弟謂曰君王為人不忍若入前為壽壽畢
請以劒舞因擊沛公於坐殺之不者若屬皆且為所虜

莊則入為壽壽畢曰君王與沛公飲軍中無以為樂請

以劍舞項王曰諾項莊拔劍起舞項伯亦拔劍起舞常

以身翼蔽沛公莊不得擊於是張良至軍門見樊噲樊

噲曰今日之事何如良曰甚急今日項莊拔劍舞其意常

在沛公也噲曰此迫矣臣請入與之同命噲即帶劍擁

盾入軍門

擁紆拱反
盾食允反

交戟之衛士欲止不內樊噲側其

盾以撞

直江反

衛士仆地噲遂入披帷西嚮立瞋目視項

王

瞋昌真反

頭髮上指目眦盡

眦自賜反

裂項王按劍而跽曰客

何為者張良曰沛公之叅乘樊噲者也項王曰壯士賜之卮酒則與斗卮酒噲拜謝起立而飲之項王曰賜之彘肩則與一生彘肩樊噲覆其盾於地加彘肩上拔劍切而啗之項王曰壯士能復飲乎樊噲曰臣死且不避卮酒安足辭夫秦王有虎狼之心殺人如不能舉刑人如恐不勝天下皆叛之懷王與諸將約曰先破秦入咸陽者王之今沛公先破秦入咸陽毫毛不敢有所近封閉宮室還軍霸上以待大王來故遣將守關者備他盜

出入與非常也勞苦而功高如此未有封侯之賞而聽
細說欲誅有功之人此亡秦之續耳竊為大王不取也
項王未有以應曰坐樊噲從良坐坐須臾沛公起如廁
因招樊噲出沛公已出項王使都尉陳平召沛公沛公
曰今者出未辭也為之柰何樊噲曰大行不顧細謹大
禮不辭小讓如今人方為刃俎我為魚肉何辭為於是
遂去乃令張良留謝良問曰大王來何操曰我持白璧一
雙欲獻項王玉斗一雙欲與亞父會其怒不敢獻公為

我獻之張良曰謹諾當是時項王軍在鴻門下沛公軍在霸上相去四十里沛公則置車騎脫身獨騎與樊噲夏侯嬰靳彊紀信等四人持劒盾步走從酈山下道芷陽間行沛公謂張良曰從此道至吾軍不過二十里耳度我至軍中公乃入沛公已去間至軍中張良入謝曰沛公不勝枵杓不能辭謹使臣良奉白璧一雙再拜獻大王足下玉斗一雙再拜奉大將軍足下項王曰沛公安在良曰聞大王有意督過之脫身獨去已至軍矣項

王則受璧置之坐上亞父受玉斗置之地拔劒撞而破之曰唉豎子不足與謀奪項王天下者必沛公也吾屬今為之虜矣沛公至軍立誅殺曹無傷居數日項羽引兵西屠咸陽殺秦降王子嬰燒秦宮室火三月不滅收其貨寶婦女而東人或說項王曰關中阻山河四塞地肥饒可都以霸項王見秦宮室皆已燒殘破又心懷思欲東歸曰富貴不歸故鄉如衣繡夜行誰知之者說者曰人言楚人沐猴而冠耳果然項王聞之烹說者項王

使人致命懷王懷王曰如約乃尊懷王為義帝項王欲

自王先王諸將相謂曰天下初發難時難乃假立諸侯

後以伐秦然身被堅執銳首事暴露於野北暴蒲反三年滅

秦定天下者皆將相諸君與籍之力也義帝雖無功故

當分其地而王之諸將皆曰善乃分天下立諸將為侯

王項王范增疑沛公之有天下業已講解又惡負約恐

諸侯叛之乃陰謀曰巴蜀道險秦之遷人皆居蜀乃曰巴

蜀亦關中地也故立沛公為漢王王巴蜀漢中都南鄭

括地志云南梁州所理縣也

而三分關中王秦降將以距塞漢王項王

乃立章邯為雍王王咸陽以西都廢丘

括地志云大立故城一名廢丘

古城在雍州始平縣東南十里地理志云漢高二年引水灌廢丘章邯自殺更廢丘曰槐里

長史欣者

故為櫟陽獄掾嘗有德於項梁都尉董翳者本勸章邯

降楚故立司馬欣為塞王王咸陽以東至河都櫟陽

括地

志云櫟陽故城一名萬年城在雍州櫟陽東北二十五里秦獻公之城櫟陽即此也

立董翳為翟

王王上郡都高奴

括地志云延州州城即漢高奴縣

徙魏王豹為西魏

王王河東都平陽瑕丘申陽者張耳嬖臣也先下河南

郡迎楚河上故立申陽為河南王都雒陽

括地志云洛陽故城在洛州洛陽縣

東北二十六里周公所築即成周城也輿地志云成周之地秦

莊襄王以為洛陽縣三川守理之後漢都洛陽改為雒

洪以火德隱水故去洛旁水而加佳佳於去次為土土水之忌也水得土而流土得水而柔故除土以加水

韓王成因故都都陽翟

括地志云陽翟洛州縣也左傳云鄭伯突入于櫟杜預云櫟鄭

別都今河南陽翟縣是也地理志云陽翟縣是屬潁川郡夏禹之國

趙將司馬卬定河內

數有功故立卬為殷王王河內都朝歌徙趙王歇為代王

趙相張耳素賢又從入關故立耳為常山王王趙地都

襄國

括地志云邢州城本漢襄國縣秦置三十六郡於此置信都縣屬鉅鹿郡項羽改曰襄國立張耳為

常山王理信都地理志云故邢侯國也帝王世紀云邢侯為紂三公以忠諫被誅史記云周武王封周公旦之子為邢侯左傳云凡將邢茅周公之胤也

當陽君黥布為楚將常冠軍故立

布為九江王都六

括地志云故六城在壽州安豐縣百二十二里本六國臣姓皐繇之後所封

也黥布亦皐繇之後居六

都君吳芮

都作番音婆

率百越佐諸侯又從入

關故立芮為衡山王都邾

說文云音誅括地志云故邾城在黃州黃岡縣東南二十

里本春秋時邾國邾子曹姓狹居至魯隱公徙新音機

義帝柱國共敖

共音恭

將兵

擊南郡功多因立敖為臨江王都江陵

江陵荊州縣史記江陵故郢都

也徙燕王韓廣為遼東王燕將臧荼從楚救趙因從入

關故立荼為燕王都薊徙齊王田市為膠東王

括地志云即墨

故城在萊州膠水縣南六十里古齊地本漢舊縣膠音交在膠水之東

齊將田都從共救

趙因從入關故立都為齊王都臨菑

菑側其反括地志云青州臨菑縣地

即古臨菑地也一名齊城古營邱之地所封齊之都也少昊時有爽鳩氏虞夏時有季荊殷時有逢伯陵殷末有薄姑氏為諸侯國此地後太公封方五百里故秦所滅齊王建孫田安項羽

方渡河救趙田安下濟北數城引其兵降項羽故立安為濟

北王都博陽

在濟北

田榮者數負項梁又不肯將兵從楚

擊秦以故不封成安君

地理志云成安縣在潁川郡屬豫州

陳餘棄將印

去不從入關然素聞其賢有功於趙聞其在南皮

括地志云

故南皮城在滄州南皮縣北四里本漢皮縣城即陳餘所封也

故因環封三縣番君將

梅鋗功多故封十萬戶侯項王自立為西楚霸王

貨殖傳云

淮南北沛郡汝南郡為西楚也彭城以東東海吳廣陵為東楚也衡山九江江南豫章長沙為南楚孟康云舊名江陵為南楚吳為東楚彭城為西楚

王九郡都彭城

彭城徐州縣

漢之元年

四月諸侯罷戲下各就國項王出之國使人徙義帝曰

古之帝者地方千里必居上游乃使徙義帝長沙郴

縣趣義帝行其羣臣稍稍背叛之乃陰令衡山臨江王

擊殺之江中韓王成無軍功項王不使之國與俱至彭
城廢以為侯已又殺之臧荼之國因逐韓廣之遼東廣
弗聽荼擊殺廣無終并王其地田榮聞項羽徙齊王市
膠東而立齊將田都為齊王乃大怒不肯遣齊王之膠
東因以齊反迎擊田都田都走楚齊王市畏項王乃亡
之膠東就國田榮怒追擊殺之即墨榮因自立為齊王
而西擊殺濟北王田安并王三齊

三齊記云右即墨中
臨淄左平陸謂之三

齊
榮與彭越將軍印令反梁地陳餘陰使張同夏說說

齊王田榮曰項羽為天下宰不平令盡王故王於醜地而
王其羣臣諸將善地逐其故主趙王乃北居代餘以為不可聞
大王起兵且不聽不義願大王資餘兵請以擊常山以
復趙王請以國為扞蔽齊王許之因遣兵之趙陳餘悉發
三縣兵與齊并力擊常山大破之張耳走歸漢陳餘迎
故趙王歇於代反之趙趙王因立陳餘為代王是時漢還定
三秦項羽聞漢王皆已入關中且東齊趙叛之大怒乃
以故吳令鄭昌為韓王以距漢令蕭公角等擊彭越彭

越敗蕭公角等漢使張良徇韓乃遺項王書曰漢王失職
欲得關中如約即止不敢東又以齊梁反書遺項羽曰齊欲
與趙并滅楚楚以此故無西意而北擊齊徵兵九江王布
布稱疾不往使將將數千人行項王由此怨布也漢之
二年冬項羽遂北至城陽田榮亦將兵會戰田榮不勝
走至平原平原民殺之遂北燒夷齊城郭室廬皆阮田榮降
卒係虜其老弱婦女徇齊至北海多所殘滅齊人相聚而
叛之於是田榮弟田橫收齊亡卒得數萬人反城陽項

王因留連戰未能下春漢王部五諸侯兵

師古曰諸家之說皆非張

良遺羽書曰漢欲今得關中如約即止不敢復東謂出關之東也今羽乃聞漢王東之時漢固已得三秦矣五諸侯者謂常山河南韓魏殷也此年十月常山王張耳降河南王申陽降韓王鄭昌降魏王豹降虜殷王卬皆漢東之後故知謂此為五諸侯時雖未得常山之地功臣年表云張耳棄國與大臣歸漢則當亦有士卒爾時雍王猶在廢丘被圍即非五侯之數也尋此紀文昭然可見前賢注釋並失指趣高紀及漢書皆言劫五諸侯兵凡兵初降士卒未有自指麾故須切畧而行又云發關中兵收三河七發謂差點發也收謂切畧收歛也韋昭云河南河東河內中陽郡雒陽韓王成都陽翟皆河南也魏豹都平陽河東也司馬卬都朝歌張耳都襄國河內也此三河士則五諸侯兵也更著雍塞翟則成八諸侯矣重明顏公之說是故韓信傳云漢二年出關收

魏河南韓毅

王皆降是凡五十六萬人東伐楚項王聞之即令諸

將擊齊而自以精兵三萬人南從魯出胡陵

按括地志云徐州魯

兖州曲阜縣也地理志云胡陵在山陽縣屬也

四月漢皆已入彭城收其貨寶

美人日置酒高會項王乃西從蕭

括地志云徐州蕭縣古蕭叔之國春秋時

為宋附庸帝王世紀云周封子姓之別為附庸也

晨擊漢軍而東至彭城日中

大破漢軍漢軍皆走相隨入穀泗水殺漢卒十餘萬人漢

卒皆南走山

走音奏

楚又追擊至靈壁東

括地志云靈壁故城在徐州符

離縣西北

睢水上

睢音雖括地志云睢水首受浚儀縣良蕩水東經取慮入泗過郡其西行

至一千二百
六十里者矣

漢軍却為楚所擠多殺漢卒十餘萬人皆

入睢水睢水為之不流

為于
偽反

圍漢王三匝於是大風從

西北而起折木發屋揚沙石竊冥晝晦逢迎楚軍楚軍
大亂壞散而漢王乃得與數十騎遁去欲過沛收家室
而西楚亦使人追之沛取漢王家家皆亡不與漢王相
見漢王道逢得孝惠魯元乃載行楚騎追漢王漢王急
推墮孝惠魯元車下滕公常下收載之如是者三曰雖
急不可以驅柰何棄之於是遂得脫求太公呂后不相

遇審食其從太公呂后間行求漢王反遇楚軍楚軍遂

與歸報項王項王常置軍中是時呂后兄周呂侯

蘇林云以

姓名侯也晉灼云外戚表周呂令武侯澤也呂縣名封於呂以為國顏師古云周呂封名令武其謚也蘇云以姓名侯為漢將兵居下邑

括地志云宋州碭山縣木下邑縣也在宋州東一百五十

里按今下邑在宋州東一百一十里

漢王間往從之稍稍收其士卒至滎

陽諸敗軍皆會蕭何亦發關中老弱未傅悉詣滎陽復

大振楚起於彭城常乘勝逐北與漢戰滎陽南京索間

漢敗楚

括地志云京縣城在鄭州滎陽縣東南二十里鄭之京邑也晉太康地志云鄭太叔段所居邑

滎陽縣即大索城杜預云成臯東有大索城又有小索
故城在滎陽縣北四里京相璠地名云京縣有大索亭
小索亭大小氏兄弟居之故有大小之號
按楚與漢戰滎陽南京索間即此三城耳楚以故不能

過滎陽而西項王之救彭城追漢王至滎陽田橫亦得

收齊立田榮子廣為齊王漢王之敗彭城諸侯皆復與

楚而背漢漢軍滎陽築甬道屬之河以取敖倉粟

括地志云

敖倉在鄭州滎陽縣西十五里縣門之東北臨
汴水南帶三皇山秦時置倉於敖山名敖倉云漢之三

年項王數侵奪漢甬道漢王食乏恐請和割滎陽以西

為漢項王欲聽之歷陽

括地志云和州歷陽縣本漢舊縣也淮南子云歷陽之都一夕

而為湖漢帝時
歷陽淪為歷湖

侯范增曰漢易與耳今釋弗取後必悔

之項王乃與范增急圍滎陽漢王患之乃用陳平計間
項王項王使者來為太牢具舉欲進之見使者詳驚愕

曰吾以為亞父使者乃反項王使者更持去以惡食食

上如字
下音寺

項王使者使者歸報項王項王乃疑范增與漢

有私稍奪之權范增大怒曰天下事大定矣君王自為

之願賜骸骨歸卒伍項王許之行未至彭城疽發背而

死

疽七餘反崔浩云疽附骨癰也括地志云鵠陂山在
廬州巢縣東北五里昔范增居北山之陽後佐項羽

漢將紀信說漢王曰事已急矣請為王誑楚為王王可以間出於是漢王夜出女子榮陽東門被甲二千人楚兵四面擊之紀信乘黃屋

李斐云天子車以黃繒為蓋裏

車傳左纛曰

城中食盡漢王降楚軍皆呼萬歲漢王亦與數十騎從城西門出走成臯

括地志云成臯故縣在洛州汜水縣西南二里

項王見紀信

問漢王安在信曰漢王已出矣項王燒殺紀信漢王使御史大夫周苛縱公魏豹守榮陽周苛縱公謀曰反國之王難與守城乃共殺魏豹楚下榮陽城生得周苛項

王謂周苛曰為我將我以公為上將軍封三萬戶周苛
罵曰若不趣降漢漢今虜若若非漢敵也項王怒烹周
苛并殺縱公漢王出滎陽南走宛葉得九江王布行
收兵復入保成皐漢之四年項王進兵圍成皐漢王逃
獨與滕公出成皐北門渡河走脩武從張耳韓信軍諸
將稍稍得出成皐從漢王楚遂拔成皐欲西漢使兵距
之鞏令其不得西是時彭越渡河擊楚東阿殺楚將軍
薛公項王乃自東擊彭越漢王得淮陰侯兵欲渡河南

鄭忠說漢王乃止壁河內使劉賈將兵佐彭越燒楚積

聚

積上積賜反

項王東擊破之走彭越漢王則引兵渡河復

取成皐軍廣武就敖倉食項王已定東海來西與漢俱

臨廣武而軍

括地志云東廣武西廣武在鄭州滎陽縣西二十里戴延之側西征記云三皇山上

有二城東曰東廣武西曰西廣武各在一山頭相去百步汴水從廣澗中東南流今澗無水城各有三面在敖倉西郭緣生述征記云一澗橫絕上過名曰廣武相對皆立城塹遂號東西廣武

相守數月當

此時彭越數反梁地絕楚糧食項王患之為高俎置太

公其上

括地志云東廣武城有高壇即是項羽坐太公俎上者今名項羽堆亦呼為太公亭顏師古云

俎者所以薦肉示
欲烹之故置俎上

告漢王曰今不急下吾烹太公漢王

曰吾與項羽俱北面受命懷王曰約為兄弟吾翁即若
翁必欲烹而翁則幸分我一桮羹項王怒欲殺之項伯
曰天下事未可知且為天下者不顧家雖殺之無益祇
益禍耳項王從之楚漢久相持未決丁壯苦軍旅老弱
罷轉漕項王謂漢王曰天下匈匈數歲者徒以吾兩人
耳願與漢王挑戰決雌雄毋徒苦天下之民父子為也
漢王笑謝曰吾寧關智不能關力項王令壯士出挑戰

漢有善騎射者樓煩楚挑戰三合樓煩輒射殺之項王大怒乃自被甲持戟挑戰樓煩欲射之項王瞋目叱之樓煩目不敢視手不敢發遂走還入壁不敢復出漢王使人間問之乃項王也漢王大驚於是項王乃即漢王相與臨廣武間而語漢王數之項王怒欲一戰漢王不聽項王伏弩射中漢王漢王傷走入成皐項王聞淮陰侯已舉河北破齊趙且欲擊楚乃使龍且往擊之淮陰侯與戰騎將灌嬰擊之大破楚軍殺龍且韓信因自立為齊

王項王聞龍且軍破則恐使盱台人武涉往說淮陰侯
淮陰侯弗聽是時彭越復反下梁地絕楚糧項王乃謂海
春侯大司馬曹咎等曰謹守成臯則漢欲挑戰慎勿與
戰毋令得東而已我十五日必誅彭越定梁地復從將
軍乃東行擊陳留括地志云陳留汴州縣也在州東五十里本漢陳留郡及陳留縣之地孟
康云留鄭邑也後為陳所并故曰陳留臣瓚又外黃外
按宋有留彭城留是也比留屬陳故曰陳留
黃不下數日已降項王怒悉令男子年十五已上詣城
東欲阮之外黃令舍人兒年十三往說項王曰彭越彊

劫

疆其
兩反

外黃外黃恐故且降待大王大王至又皆阬之百

姓豈有歸心從此以東梁地十餘城皆恐莫肯下矣項王

然其言乃赦外黃當阬者東至睢陽

括地志云宋州外城
本漢睢陽縣也地理

志云睢陽縣
故宋國也

聞之皆爭下項王漢果數挑楚軍戰楚軍不

出使人辱之五六日大司馬怒渡兵汜水

括地志云汜水
源出洛州汜水

縣東南三十二里方山山海
經云浮戲之山汜水出焉

士卒半渡漢擊之大破楚軍

盡得楚國貨賂大司馬咎長史翳塞王欣皆自到汜水上大

司馬咎者故斬獄掾長史欣亦故櫟陽獄吏兩人嘗有德於項

梁是以項王信任之當是時項王在睢陽聞海春侯軍敗則引兵還漢軍方圍鍾離味於滎陽東項王至漢軍畏楚盡走險阻是時漢兵盛食多項王兵罷食絕漢遣陸賈說項王請太公項王弗聽漢王復使侯公往說項王項王乃與漢約中分天下割鴻溝以西者為漢

應劭云在滎陽東二十里張華

云大梁城在浚儀縣北縣西北渠水東經此城南又北屈分為二渠其一渠東南流始皇鑿引河水以灌大梁謂之鴻溝楚漢會此處也其一渠東經鴻溝而東者為楚陽武縣南為官渡水按張華此說是

項王許之即歸漢王父母妻子軍皆呼萬歲漢王乃封侯公

為平國君

楚漢春秋云上欲封之乃肯見曰此天下之辨士所居傾國故號曰平國君按說歸太公

呂后能和

平郡國 匿弗肯復見曰此天下辨士所居傾國故號

為平國君項王已約乃引兵解而東歸漢欲西歸張良

陳平說曰漢有天下太半而諸侯皆附之楚兵罷食盡

此天亡楚之時也不如其機而遂取之今釋弗擊此

所謂養虎自遺患也

遺唯季反

漢王聽之漢五年漢王乃追

項王至陽夏

括地志云陳州太康縣木漢陽夏縣也續漢書郡國志云陽夏縣屬陳國按太康縣

城夏后太康所築

南止軍與淮陰侯韓信建成侯彭越

期會而擊楚軍至固陵

括地志云固陵縣名也在陳州宛邱縣西北四十二里

而

信越之兵不會楚擊漢軍大破之漢王復入壁深塹而

自守謂張子房曰諸侯不從約為之柰何對曰楚兵且

破信越未有分地其不至固宜君王能與共分天下今

可立致也即不能事未可知也君王能自陳以東傳海

傳音附著也陳即陳州古陳國都也自陳著海并齊舊地盡與齊王韓信也

盡與韓信睢陽

以北至穀城

括地志云穀城故在齊州東阿縣東二十六里睢陽宋州也自宋州以北至濟州穀

城際黃河盡與相國彭越

以與彭越使各自為戰

偽為于

則楚易敗也

漢王曰善於是乃發使者告韓信彭越曰并力擊楚楚

破自陳以東傳海與齊王睢陽以北至穀城與彭相國

使者至韓信彭越皆報曰請令進兵韓信乃從齊往劉

賈軍從壽春並行屠城父

父音甫壽州壽春縣也城父亳州縣也屠謂多刑殺也劉

賈入圍壽州引兵過淮北屠穀亳州城父而東北至垓下

至垓下

按垓下是岡絕巖今猶高三四丈

其聚邑及堤在垓之側因取名焉今在亳州真源縣東十里與老君相接浚音戶交反

大司馬周

殷叛楚以舒屠六

括地志云舒今廬江則故舒城是也故六城在壽州安豐南百三十二里

匿姓咎繇之後按周殷叛楚兼舉九江郡之兵隨劉賈而至垓下

舉九江兵

九江郡壽州也楚考

烈王二十二年自陳徙壽春號云郢至王負芻為秦將王翦蒙武所滅於此置九江郡應劭云自廬江尋陽分為北隨劉賈彭越皆會垓下詣項王項王軍壁垓下兵

少食盡漢軍及諸侯兵圍之數重夜聞漢軍四面皆楚

歌

顏師古云楚人之歌也猶言吳謳越吟若雞鳴為歌之名於理則可不得云雞鳴時也高祖戚夫人楚舞

自為楚歌豈亦雞鳴時乎按顏說是也

項王乃大驚曰漢皆已得楚乎是

何楚人之多也項王則夜起飲帳中有美人名虞

括地志云

虞姬墓在濠州定遠縣東六十

里長老傳云項羽美人冢也常幸從駿馬名騅

晉陸顧野

王云青白色也釋畜云倉白雜毛騅也

常騎之於是項王乃悲歌忼慨自

為詩曰力拔山兮氣蓋世時不利兮驍不逝驍不逝兮

可奈何虞兮虞兮奈若何歌數闋美人和之

和音胡卧反楚漢春秋云歌曰

漢兵已畧地四方楚歌聲大王意氣盡賤妾何聊生

項王泣數行下

數色庚反行胡郎反

左

右皆泣莫能仰視於是項王乃上馬騎

其倚反凡單乘曰騎後同

麾

下

麾亦作戲同乎危反

壯士騎從者八百餘人直夜潰圍南出馳

走平明漢軍乃覺之令騎將灌嬰以五千騎追之項王

渡淮騎能屬者

屬音燭

百餘人耳項王至陰陵

括地志云陰陵縣故

城在濠州定遠縣西北六十里地理志云陰陵縣屬九江郡

迷失道問一田父田父

紹曰左左乃臨大澤中以故漢追及之項王乃復引兵

而東至東城

括地志云東城縣故城在濠州定遠縣東南五十里地理志云東城縣屬九江郡

乃有二十八騎漢騎追者數千人項王自度不得脫謂

其騎曰吾起兵至今八歲矣身七十餘戰所當者破所

擊者服未嘗敗北遂霸有天下然今卒困於此

卒子律反此

天之亡我非戰之罪也今日固決死願為諸君快戰必

三勝之為諸君潰圍斬將刈旗令諸君知天亡我非戰

之罪也乃分其騎以為四隊四嚮漢軍圍之數重項王

謂其騎曰吾為公取彼一將令四面騎馳下期山東為

三處

期過山東分為三處漢軍不知項羽處括地志云九頭山在滁州全椒縣西北九十六里江表傳云

項羽敗至烏江漢兵追羽至此一日九戰因名於是項王大呼火故反馳下漢軍

皆披靡

上披彼反靡言精體低垂

遂斬漢一將是時赤泉侯為騎將

追項王項王瞋目而叱之赤泉侯人馬俱驚辟易數里

言人

馬俱驚開張易舊處乃至數里與其騎會為三處漢軍不知項王所在

乃分軍為三復圍之項王乃馳復斬漢一都尉殺數十百

人復聚其騎亡其兩騎耳乃謂其騎曰何如騎皆伏曰

如大王言於是項王乃欲東渡烏江

括地志云烏江亭即和州烏江縣是

也晉初為縣注水經云水又北左傳黃律口漢書所謂烏江亭長艤船以待項羽即此也

烏江亭長

艤船待謂項王曰江東雖小地方千里衆數十萬人亦足王也願大王急渡今獨臣有船漢軍至無以渡項王笑曰天之亡我我何渡為且籍與江東子弟八千人渡江而西今無一人還縱江東父兄憐而王我我何面目見之縱彼不言籍獨不愧於心乎乃謂亭長曰吾知公長者吾騎

音奇

此馬五歲所當無敵嘗一日行千里不忍

殺之以賜公乃令騎皆下馬步行持短兵接戰獨籍所

殺漢軍數百人項王身亦被十餘創顧見漢騎司馬呂

馬童曰若非吾故人乎馬童面之指王翳曰此項王也

項王乃曰吾聞漢購我頭千金

漢以一斤金為千金當一萬錢也

邑萬

戶吾為汝德

為于偽反言呂馬童與項羽先是故人舊有恩德於羽一云德行也

乃自刎

而死王翳取其頭餘騎相蹂踐爭項王相殺者數十人

最其後郎中騎楊喜騎司馬呂馬童郎中呂勝楊武各

得其一體五人共會其體皆是分其地為五封呂馬童

為中水侯

地理志云中水縣屬涿郡應劭云在易渡二水之中故曰中水

封王翳為杜

衍侯

括地志云杜衍侯故縣在鄧州南陽縣西八里

封楊喜為赤泉侯封楊武

為吳防侯

吳防豫州縣括地志云吳房縣木漢舊縣孟康云吳王闔廬弟夫概奔楚楚封於此為唐

谿氏本房子國以

封呂勝為涇陽侯

涇年結反括地志云涇陽故地城在

鄧州穰縣東北六十里木漢

舊縣也應劭云在涇水之陽

項王已死楚地皆降漢獨

魯不下漢乃引天下兵欲屠之為其守禮義為主死節

乃持項王頭視魯魯父兄乃降始楚懷王初封項籍為魯

公及其死魯最後下故以魯公禮葬項王穀城

括地志云項羽

墓在濟州東阿東縣二十七里穀城西三里述征記項羽墓在穀城西北三里半許毀壞有碣石項王之墓

漢王為發哀泣之而去諸項氏枝屬漢王皆不誅乃封

項伯為射陽侯

射音食夜反括地志云楚州山陽本漢射陽縣吳地志云在射水之陽故曰射陽

桃侯

括地志云故城在滑州胙城縣東四十里漢書云高祖十二年封劉襄為桃侯也

平臯侯

括地志云平臯故城在懷州武德縣東二十里漢平臯縣按他音徒何反

玄武侯皆項氏賜

姓劉氏

太史公曰吾聞之周生曰

孔文祥云周生漢時儒者姓周也按太史公云吾聞之周

生則是漢人與太史公耳目相接明矣

舜目蓋重瞳子又聞項羽亦重瞳

子羽豈其苗裔邪何興之暴也夫秦失其政陳涉首難
豪傑蜂起相與並爭不可勝數然羽非有尺寸乘勢起
隴畝之中三年遂將五諸侯滅秦分裂天下而封王侯
政由羽出號為霸王位雖不終近古以來未嘗有也及
羽背關懷楚

顏師古云背關背約不王高祖於
關中懷楚謂思東歸而都彭城

放逐義

帝而自立怨王侯叛已難矣自矜功伐奮其私智而不
師古謂霸王之業欲以力征經營天下五年卒亡其
國

卒音子律反五年謂高帝
元年至五年殺項羽東城

身死東城尚不覺寤而不

自責過矣乃引天亡我非用兵之罪也豈不謬哉

史記正義卷七

欽定四庫全書

史記正義卷八

唐張守節撰

高祖本紀第八

史記八

高祖沛豐邑中陽里人姓劉氏字季父曰太公

春秋握成圖云

劉媪夢赤鳥如龍戲已生執嘉

母曰劉媪

帝王世紀云漢昭靈后舍始游洛池有寶雞銜赤珠出刻

日英吞之生高祖詩含神霧亦云含媪即昭靈后也陳留風俗傳云沛公起兵野戰喪皇妣於黃鄉天下平定使使者以梓宮招幽魂於是丹蛇在水自洒濯入梓宮其浴處有遺髮謚曰昭靈夫人漢儀註云高帝母起兵

時死小黃城後於小黃立陵廟括地志云小黃故城在汴州陳留縣東北三十三里顏師古云皇甫謐等妄引識記好奇騁博強為高祖父母名字皆非正史所說蓋無文焉寧有劉媪本姓實存史遷肯不詳載即理而言斷可

其先劉媪嘗息大澤之陂夢與神遇是時雷電晦冥太公往視則見蛟龍於其上已而有身遂產高祖高

祖為人隆準而龍顏美須髯左股有七十二黑子

河圖云帝

劉季口角載勝斗臂龜背龍股長七八寸合成圖云赤帝體為朱鳥其表龍顏多黑子按左陽也七十二黑子者赤帝七十二日之數也木火土金水各居一方一歲三百六十日四方分之各得九十日土居中央並索四季各十八日俱成七十二日故高祖七十二黑子者應火德七十二日之徵也有一本七十日者非也許北人

呼為魔而吳楚謂之誌誌記也

仁而愛人喜施

喜許記反施尸豉反

意豁如也常

有大度不事家人生產作業及壯試為吏為泗水亭長

泰法十里一亭十亭一鄉亭長主亭之吏高祖為泗水亭長也國語有寓室即今之亭也亭長蓋今里長也民有訟諍吏留平辨得成其政括地志云泗水亭在徐州沛縣東一百步有高祖廟也廷中吏無所

不狎侮好酒及色常從王媼武負貫酒醉臥武負王媼

見其上常有龍怪之高祖每酤留飲酒讐數倍及見怪歲

竟此兩家常折券棄責高祖常繇咸陽縱觀觀秦皇帝

也慢云上音館下音官恣意故縱觀也

喟然太息曰嗟乎大丈夫當如此

也單父人呂公善沛令避仇從之客因家沛焉沛中豪

桀吏聞令有重客皆往賀蕭何為主吏主進令諸大夫

曰

大夫客之貴者總稱之

進不滿千錢坐之堂下高祖為亭長素

易諸吏乃給為謁曰賀錢萬實不持一錢謁入呂公大

驚起迎之門呂公者好相人見高祖狀貌因重敬之引

入坐蕭何曰劉季固多大言少成事高祖因狎侮諸客

遂坐上坐

上在果反下在臥反

無所詘

音邱忽反

酒闌呂公因目固留

高祖

不敢對衆顯言故目動而留之

高祖竟酒後呂公曰臣少好相人

相人多矣無如季相願季自愛臣有息女

息生也謂所生之女也

願為季箕帚妾酒罷吕媼怒吕公曰公始常欲奇此女與貴人沛令善公求之不與何自妄許與劉季吕公曰

此非兒女子所知也卒與劉季吕公女乃吕后也生孝

惠魯元公主

漢帝制女曰公主儀比諸侯姊妹曰長公主儀比諸侯王姑曰大長公主儀比諸侯

王高祖為亭長時常告歸之田吕后與兩子居田中耨

有一老父過請飲吕后因舖之

必捕反以食飼人也父太請飲吕后因飼之國

語云園中童子無不舖

老父相吕后曰夫人天下貴人令相兩子

見孝惠曰夫人所以貴者乃此男也相魯元亦皆貴老父已去高祖適從旁舍來吕后具言客有過相我子母皆大貴高祖問曰未遠乃追及問老父老父曰鄉者夫人嬰兒皆似君君相貴不可言高祖乃謝曰誠如父言不敢忘德及高祖貴遂不知老父處高祖為亭長乃以竹皮為冠令求盜之薛治之時時冠之音館下同及貴常冠所謂劉氏冠音官顏師古云後號為劉氏冠其後詔曰爵非公乘以上不得冠劉氏冠即此也乃

是也高祖以亭長為縣送徒酈山徒多道亡自度比至

皆亡之

度田洛反
比必寐反

到豐西澤中止飲夜乃解縱所送徒

曰公等皆去吾亦從此逝矣徒中壯士願從者十餘人

高祖被酒

被加也

夜徑澤中令一人行前

行音下
孟反

行前者

還報曰前有大蛇當徑願還高祖醉曰壯士行何畏乃

前拔劍擊斬蛇

按其蛇大理須別求是劍斬之三足劍者常佩之括地志云斬蛇溝源出徐州

豐縣中平地故老云高祖斬蛇處至縣西五十里入泡水也

蛇遂分為兩徑開行數

里醉因卧後人來至蛇所有一老嫗夜哭人問何哭嫗

曰人殺吾子故哭之人曰嫗子何為見殺嫗曰吾子白

帝子也化為蛇當道令為赤帝子斬之故哭人乃以嫗為不誠欲笞之嫗因忽不見後人至高祖覺後人告高祖高祖乃心獨喜自負諸從者日益畏之秦始皇帝常曰

東南有天子氣於是因東游以厭之高祖即自疑亡匿

隱於芒碭山澤巖石之間

括地志云宋州碭山縣在州東一百五十里本漢碭陽縣

也碭山在縣東

吕后與人俱求常得之高祖怪問之吕后曰季

所居上常有雲氣

京房易兆候云何以知賢人隱顏師古曰四方常有大雲五色具而不雨

其下有賢人隱矣故吕后望雲氣而得之

故從往常得季高祖心喜沛中子

弟或聞之多欲附者矣秦二世元年秋陳勝等起斬至
陳而王號為張楚諸郡縣皆多殺其長吏以應陳涉沛
令恐欲以沛應涉掾主吏蕭何曹參乃曰君為秦吏今
欲背之率沛子弟恐不聽願君召諸亡在外者可得數
百人因劫衆衆不敢不聽乃令樊噲召劉季劉季之衆
已數十百人矣於是樊噲從劉季來沛令後悔恐其有
變乃閉城城守欲誅蕭曹蕭曹恐踰城保劉季劉季乃
書帛射城上謂沛父老曰天下苦秦久矣今父老雖為

沛令守諸侯並起令屠沛沛令共誅令擇子弟可立者立之以應諸侯則家室完不然父子俱屠無為也父老乃率子弟共殺沛令開城門迎劉季欲以為沛令劉季曰天下方擾諸侯並起今置將不善壹敗塗地吾非敢自愛恐能薄

能才能也高祖謙言材能薄劣不能完全其衆能者獸形色似熊足似鹿為物堅中而強

力人之有賢才者皆謂之能也

不能完父兄子弟此大事願更相推擇

可者蕭曹等皆文吏自愛恐事不就後秦種族其家盡讓劉季諸父老皆曰平生所聞劉季諸珍怪當貴且卜

筮之莫如劉季最吉於是劉季數讓衆莫敢為乃立季
為沛公祠黃帝祭蚩尤於沛庭而釁鼓旗幟皆赤由所
殺蛇白帝子殺者赤帝子故上赤於是少年豪吏如蕭曹
樊噲等皆為收沛子弟二三千人攻胡陵方與還守豐
秦二世二年陳涉之將周章軍西至戲而還燕趙齊魏
皆自立為王項氏起吳秦泗川監平將兵圍豐二日出
與戰破之命雍齒守豐引兵之薛泗川守壯如淳曰壯名也敗
於薛走至戚括地志云沂州臨沂縣有漢戚縣故城地理志云臨沂縣屬東海郡沛公左

司馬得泗川守壯殺之沛公還軍亢父

音剛又苦浪反括地志云亢父

縣也沛公屯軍於此也

至方與周市來攻方與未戰陳王使魏人

周市畧地周市使人謂雍齒曰豐故梁徙也今魏地已

定者數十城齒令下魏魏以齒為侯守豐不下且屠豐

雍齒雅不欲屬沛公及魏招之即反為魏守豐沛公引

兵攻豐不能取沛公病還之沛沛公怨雍齒與豐子弟

叛之聞東陽甯君秦嘉立景駒為假王在留

括地志云二人留城

在徐州沛縣東南五十里即張良所封處

乃往從之欲請兵以攻豐是時秦

將章邯從陳別將司馬尼將兵北定楚地屠相至碭

地括

志云故相地在徐州符離縣西北九十里碭在宋州東一百五十里

東陽甯君沛公引兵

西與戰蕭西不利還收兵聚留引兵攻碭三日乃取碭

因收碭兵得五六千人攻下邑拔之還軍豐聞項梁在

薛

今徐州滕縣故薛城也

從騎百餘往見之項梁益沛公卒五千

人五大夫將十人沛公還引兵攻豐從項梁月餘項羽

已拔襄城

襄城許州縣

還項梁盡召別將居薛聞陳王定死

因立楚後懷王孫心為楚王治盱台

楚縣也

項梁號武信

君居數月北攻亢父救東阿

濟州縣也

破秦軍齊軍歸楚獨

追北使沛公項羽別攻城陽屠之軍濮陽之東

濮陽故城在濮

州西八十六里本漢濮陽縣

與秦軍戰破之秦軍復振守濮陽環水

按二說皆通其濮陽縣北臨黃河言秦軍北阻黃河南鑿溝引黃河水環繞作壁壘為固楚軍乃去

楚軍

去而攻定陶定陶未下沛公與項羽西畧地至雍邱之

下與秦軍戰大破之斬李由還攻外黃

在雍邱東

外黃未下

項梁再破秦軍有驕色宋義諫不聽秦益章邯兵夜銜

枚擊項梁大破之定陶項梁死沛公與項羽方攻陳留

聞項梁死引兵與呂將軍俱東呂臣軍彭城東項羽軍
彭城西沛公軍碭章邯已破項梁軍則以為楚地兵不
足憂乃渡河北擊趙大破之當是之時趙歇為王秦將
王離圍之鉅鹿城此所謂河北之軍也秦二世三年楚
懷王見項梁軍破恐徙盱眙都彭城并呂臣項羽軍自
將之以沛公為碭郡長

括地志云宋州本秦碭郡蘇林
云長如郡守韋昭云秦名曰守是

時改
曰長

封為武安侯將碭郡兵封項羽為長安侯號為魯

公呂臣為司徒其父呂青為令尹

應劭云天子曰師尹
諸侯曰令尹時去六

國近故置令尹臣瓚曰諸侯之卿唯楚稱令尹其餘國不稱時立楚之後故置官司皆如楚舊也

趙數

請救懷王乃以宋義為上將軍項羽為次將范增為末將北救趙令沛公西畧地入關與諸將約先入定關中者王之當是時秦兵彊常乘勝逐北諸將莫利先入關獨項羽怨秦破項梁軍奮願與沛公西入關懷王諸老將皆曰項羽為人僇悍猾賊項羽嘗攻襄城襄城無遺類皆阮之諸所過無不殘滅且楚數進取前陳王項梁皆敗不如更遣長者扶義而西

遣長者扶持仁義而西告諭秦長少令降下也

告諭秦父兄秦父兄苦其主久矣今誠得長者往毋侵
暴宜可下令項羽僥悍令不可遣獨沛公素寬大長者
可遣卒不許項羽而遣沛公西畧地收陳王項梁散卒
乃道碭至成陽與杠里秦軍來壁破魏二軍楚軍出兵

擊王離大破之沛公引兵西遇彭越昌邑

地里志云昌邑縣屬山陽括地

志云在曹州成武縣東北三十二里有梁丘故城是也

因與俱攻秦軍戰不利還

至栗遇剛武侯

顏師古云史失其名姓唯識其爵號不知誰也不當改為剛侯武應氏以為懷

王將又云魏將無據矣表六年三月封孟顏二人說是

奪其軍可四千餘人并之

與魏將皇欣魏申徒武蒲之軍

並魏將也欣字或作訢音許斤反蒲漢書作滿

並通也

並攻昌邑昌邑未拔西過高陽酈食其謂監門曰諸將

過此者多吾視沛公大人長者乃求見說沛公沛公方踞牀使兩女子洗足酈生不拜長揖曰足下必欲誅無道秦不宜踞見長者於是沛公起攝衣謝之延上坐食其說沛公襲陳留得秦積粟乃以酈食其為廣野君酈商為將將陳留兵與偕攻開封開封未拔西與秦將楊熊戰白馬

括地志云白馬故城在滑州衛南縣西南二卜四里戴延之西征記云白馬城故衛之曹

邑

又戰曲遇東大破之楊熊走之滎陽二世使使者斬
以徇南攻潁陽屠之因張良遂畧韓地輾轅當是時趙
別將司馬卬方欲渡河入關沛公乃北攻平陰絕河津南
戰雒陽東軍不利還至陽城

今洛州夏
禹所都

收軍中馬騎與

南陽守齟戰隼東破之略南陽郡南陽守齟走保城守

宛

守晉狩宛於元反括地志云南陽縣地城在
宛大城之南隅其西南有二面皆故宛城

沛公引

兵過而西張良諫曰沛公雖欲急入關秦兵尚衆距險
今不下宛宛從後擊彊秦在前此危道也於是沛公乃夜

引兵從他道還更旗幟黎明圍宛城三匝南陽守欲自
到其舍人陳恢曰死未晚也乃踰城見沛公曰臣聞足
下約先入咸陽者王之今足下留守宛宛大郡之都也
連城數十人民衆積蓄多吏人自以為降必死故皆堅
守乘城令足下盡日止攻士死傷者必多引兵去宛宛
必隨足下後足下前則失咸陽之約後又有彊宛之患
為足下計莫若約降封其守因使止守引其甲卒與之
西諸城未下者聞聲爭開門而待足下通行無所累沛

公曰善乃以宛守為殷侯封陳恢千戶引兵西無不下者至丹水

括地志云故丹城在鄧州內鄉縣西南百三十里南去丹水二百步汲冢紀年云后稷放帝子丹朱于丹水是也輿地志云秦為丹水縣也地理志云丹水縣屬弘農郡抱朴子云丹水出丹魚先夏至十日夜伺之魚浮水側光照如火網而取之割其血以塗足可以步行水上長居川中不溺高武侯鯁襄侯王

陵降西陵還攻胡陽遇番君別將梅鋗與皆降析酈遣魏人甯昌使秦使者未來是時章邯已以軍降項羽於趙矣初項羽與宋義北救趙及項羽殺宋義代為上將軍諸將黥布皆屬破秦將王離軍降章邯諸侯皆附及

趙高已殺二世使人來欲約分王關中沛公以為詐乃
用張良計使鄼生陸賈往說秦將啗以利因襲攻武關
破之又與秦軍戰於藍田南益張疑兵旗幟諸所過毋
得掠鹵秦人憚秦軍解因大破之又戰其北大破之乘勝
遂破之

漢元年十月

沛公己未年七月至霸上項羽封十八諸侯沛公漢王後劉項五年戰鬪漢遂滅楚

天下歸漢故却書初至霸上戰之

沛公兵遂先諸侯至霸上

故霸陵在雍州萬年

縣東北二十五里漢霸陵文帝之陵邑也東南去霸陵十里地理志云霸陵故芷陽文帝更名三秦記云霸城

秦穆公築為宮因名霸城漢於北置霸陵廟記
云霸城漢文帝築沛公入關遂至霸上即此也
秦王子

嬰素車白馬係頸以組封皇帝璽符節

按天子有六璽
皇帝行璽皇帝信

之璽皇帝信璽天子行璽天子之璽天子信璽皇帝信
璽凡事皆用之璽令施行天子信璽以遷拜封王侯之
璽以發兵皆以武都紫泥封青布索白素兩端無縫三
秦記云紫泥水在今成州興地志云漢封詔璽用紫泥
則此水降軹道旁
軹音紙括地志云軹道在雍
州萬年縣東北十六里苑中諸將或
之泥也

言誅秦王沛公曰始懷王遣我固以能寬容且人已服

降又殺之不祥乃以秦王屬吏

屬之欲文
屬付也

遂西入咸陽

欲止宮休舍

休息也言欲居止
宮殿中而息也

樊噲張良諫乃封秦重

寶財物府庫還軍霸上召諸縣父老豪傑曰父老苦秦苛法久矣誹謗者族偶語者弃市吾與諸侯約先入闕者王之吾當王關中與父老約法三章耳殺人者死傷人及盜抵罪餘悉除去秦法諸吏人皆案堵如故凡吾所以來為父老除害非有所侵暴無恐且吾所以還軍霸上待諸侯至而定約束耳乃使人與秦吏行縣鄉邑告諭之秦人大喜爭持牛羊酒食獻饗軍士沛公又讓不受曰倉粟多非乏不欲費人人又益喜唯恐沛公不為秦王或說沛公

曰秦富十倍天下地形彊令聞章邯降項羽項羽乃號

為雍王王關中令則來沛公恐不得有此可急使兵守

函谷關

顏師古曰今桃林南有洪留澗古函谷也其水北流入河西岸猶有舊關餘跡西征記云道形

如函也其水山原壁立數十仞谷中容一車

無內諸侯軍稍徵關中兵以自

益距之沛公然其計從之十一月中項羽果率諸侯兵

西欲入關關門閉聞沛公已定關中大怒使黥布等攻

破函谷關十二月中遂至戲

許宜反

沛公左司馬曹無傷

聞項王怒欲攻沛公使人言項羽曰沛公欲王關中令

子嬰為相珍寶盡有之欲以求封

曹無傷欲就項羽求封

亞父勸

項羽擊沛公方饗士旦日合戰是時項羽兵四十萬號

百萬沛公兵十萬號二十萬力不敵會項伯欲活張良

夜往見良因以文諭項羽

項羽本紀云項伯曰沛公不先破關中公豈敢入乎今人

有大功擊之不義此以文諭之

項羽乃止沛公從百餘騎驅之鴻門見

謝項羽項羽曰此沛公左司馬曹無傷言之不然籍何

何以至此沛公以樊噲張良故得解歸歸立誅曹無傷

項羽遂西屠燒咸陽秦宮室所過無不殘破秦人大失

望然恐不敢不服耳項羽使人還報懷王懷王曰如約

項羽怨懷王不肯令與沛公俱西入關而北救趙後天

下約

懷王初約先入咸陽者王之今羽北救趙故失約在後也

乃曰懷王者吾家項

梁所立耳非有功伐何以得主約本定天下諸將及籍

也乃佯尊懷王為義帝實不用其命正月

崔浩云史官以正月紀四

時故書

正月也荀悅云先秦後正月也

顏師古云凡

此諸月號皆太初正歷之後記事者追改之非當時本

稱也以十月為歲首即

以十月為正月今此正月當是謂之四月也他皆放此

項羽自立為西

楚霸王王梁楚地九郡都彭城負約更立沛公為漢王

梁州本漢中郡
以漢水為名

王巴蜀漢中都南鄭三分關中立秦三

將章邯為雍王

以岐州雍
縣為名

都廢邱司馬欣為塞王

塞先
代反

韋昭云在長安東名桃林塞按桃林塞今華州
潼關也顏師古云取河華之因為阨塞耳非桃林

都櫟

陽董翳為翟王

文穎云本上郡秦所置項羽
以董翳為王更名曰翟也

都高奴楚

將瑕邱申陽為河南王

在黃河之南故曰
河南即今河南府

都洛陽趙將

司馬卬為殷王

以商帝盤庚國殷中之地改商為殷在
相州安陽縣即北冢殷墟南去朝歌百

三十六里故號
殷王都朝歌

都朝歌趙王歇徙王代趙相張耳為常

山王都襄國當陽君黥布為九江王都六懷王柱國共

敖為臨江王

孟康云本南郡改為臨江國是也

都江陵番君吳芮為衡

山王都邾燕將臧荼為燕王都薊故燕王韓廣徙王遼

東廣不聽臧荼攻殺之無終封成安君陳餘河間三縣

居南皮封梅鋗十萬戶四月兵罷戲下

戲音魔許慎注淮南子云戲大

旗也諸侯各就國漢王之國項王使卒三萬人從楚與諸

侯之慕從者數萬人從杜南

韋昭云杜今陵邑括地志云杜陵故城在雍州萬年

縣東南十五里漢杜陵縣宣帝陵邑也

北去宣帝陵五里廟記云故杜伯也入蝕中去輒燒

絕棧道以備諸侯盜兵襲之亦示項羽無東意至南鄭

諸將及士卒多道亡歸士卒皆歌思東歸韓信說漢王

曰項羽王諸將之有功者而王獨居南鄭是遷也軍吏

士卒皆山東之人也日夜跋而望歸

跋音丘賜反說文云跋舉踵也司馬

彪云跋望也

及其鋒而用之可以有大功天下已定人皆自

寧不可復用不如決策東鄉爭權天下項羽出關使人

徙義帝曰古之帝者地方千里必居上游

音流

乃使使徙

義帝長沙郴縣趣義帝行

趣音促

羣臣稍倍叛之乃陰

令衡山王臨江王擊之殺義帝江南項羽怨田榮立齊

將田都為齊王田榮怒因自立為齊王殺田都而反楚
予彭越將軍印令反梁地楚令蕭公角擊彭越彭越大
破之陳餘怨項羽之弗王已也令夏說說田榮

上音悅
下音稅

請

兵擊張耳齊予陳餘兵擊破常山王張耳張耳亡歸漢
迎趙王歇於代復立為趙王趙王因立陳餘為代王項
羽大怒北擊齊八月漢王用韓信之計從故道還襲雍
王章邯邯迎擊漢陳倉

今岐州
縣也

雍兵敗還走止戰好時

又復敗走廢丘漢王遂定雍地東至咸陽引兵圍雍王

廢邱而遣諸將畧定隴西北地上郡令將軍薛歐王吸

出武關因王陵兵南陽

括地志云王陵故城在商州上洛縣南三十一里荊州記云昔

漢高祖入秦王陵起兵丹水以應之北城王陵所禁因名也

以迎太公呂后於沛楚

聞之發兵距之陽夏不得前令故吳令鄭昌為韓王距漢兵

二年漢王東畧地塞王欣翟王翳河南王申陽皆降韓王昌不聽使韓信擊破之於是置隴西北地上郡渭南河上中地郡關外置河南郡更立韓太尉信為韓王諸

將以萬人若以一郡降者封萬戶繕治河上塞諸故秦

苑囿園池皆令人得田之正月虜雍王弟章平大赦罪

人漢王之出關至陝撫關外父老還張耳來見漢王厚

遇之二月令除秦社稷更立漢社稷三月漢王從臨晉

渡魏王豹將兵從下河內虜殷王置河內郡南渡平陰

津至雒陽新城

括地志云洛州伊闕縣在州南七十里本漢新城也隋文帝改新城為伊闕取

伊闕山為名也

三老董公遮說漢王

百官表云十里一亭亭有長十亭一鄉鄉有三老三

老掌教化皆秦制也又樂產云橫道自言曰遮楚漢春秋云董公八十二遂封為成侯

以義帝死

故漢王聞之袒而大哭遂為義帝發喪臨三日發使者
告諸侯曰天下共立義帝北面事之今項羽放殺義帝
於江南大逆無道寡人親為發喪諸侯皆縞素悉發關
內兵收三河士南浮江漢以下

南收三河士發關內兵
從雍州入子午道至漢

中歷漢水而下從務
東行至徐州擊楚

願從諸侯王擊楚之殺義帝者

是時項王北擊齊田榮與戰城陽田榮敗走平原

德州平原

是縣

平原民殺之齊皆降楚楚因焚燒其城郭係虜其子

女齊人叛之田榮弟橫立榮子廣為齊王齊王反楚城

陽項羽雖聞漢東既已連齊兵欲遂破之而擊漢漢王

以故得劫五諸侯兵遂入彭城項羽聞之乃引兵去齊

從魯

兖州曲阜也

出胡陵

地理志云胡陵在山陽郡

至蕭

徐州蕭縣

與漢大戰

彭城靈壁東

在徐州符離縣西北九十里

睢水上大破漢軍多殺士

卒睢水為之不流乃取漢王父母妻子於沛置之軍中

以為質當是時諸侯見楚彊漢敗還皆去漢復為楚塞

王欣亡入楚呂后兄周呂侯為漢將兵居下邑漢王從

之稍收士卒軍碭漢王乃西過梁地至虞使謁者隨何

之九江王布所曰公能令布舉兵叛楚項羽必留擊之
得留數月吾取天下必矣隨何往說九江王布布果背
楚楚使龍且往擊之漢王之敗彭城而西行使人求家
室家室亦亡不相得敗後乃獨得孝惠六月立為太子
大赦罪人令太子守櫟陽諸侯子在關中者皆集櫟陽
為衛引水灌廢丘廢丘立降章邯自殺更名廢丘為槐里
於是令祠官祀天地四方上帝山川以時祀之興關
內卒乘塞是時九江王布與龍且戰不勝與隨何間行

行歸漢漢王稍收士卒與諸將及關中卒益出是以兵大振
滎陽破楚京索間

三年魏王豹謁歸視親疾至即絕河津反為楚漢王使
酈生說豹豹不聽漢王遣將軍韓信擊大破之虜豹遂

定魏地置三郡曰河東

今蒲州也

太原

今并州

上黨

今潞州

漢王

乃令張耳與韓信遂東下井陘擊趙斬陳餘趙王歇其明年

立張耳為趙王漢王軍滎陽南築甬通

甬音勇韋昭云起土築牆中間為道應劭

云恐敵抄輜重故築垣牆如街巷

屬之河以取敖倉

孟康云敖地名在滎陽西北山上臨

河有大倉太康地理志
云秦建教倉於成臯

與項羽相距歲餘項羽數侵奪

漢甬道漢軍乏食遂圍漢王漢王請和割滎陽以西者
為漢項王不聽漢王患之乃用陳平之計予陳平金四
萬斤以間疏楚君臣於是項羽乃疑亞父亞父是時勸
項羽遂下滎陽及其見疑乃怒辭老嫗賜骸骨歸卒伍
未至彭城而死漢軍絕食乃夜出女子東門二千餘人
被甲楚因四面擊之將軍紀信乃乘王駕詐為漢王誑
楚楚皆呼萬歲之城東觀以故漢王得與數十騎出西

門遁令御史大夫周苛魏豹縱公守滎陽諸將卒不能從者盡在城中周苛縱公相謂曰反國之王難與守城因殺魏豹漢王之出滎陽入關收兵欲復東袁生說漢王曰漢與楚相距滎陽數歲漢常困願君王出武關項羽必引兵南走王深壁令滎陽成臯間且得休使韓信等輯河北趙地連燕齊君王乃復走滎陽未晚也如此則楚所備者多力分漢得休復與之戰破楚必矣漢王從其計出軍宛葉間

宛於元反葉式涉反宛鄧州縣也葉汝州縣水經注云本楚惠王封諸

梁子兼號曰葉城
即子高之故邑也

與黥布行收兵項羽聞漢王在宛果

引兵南漢堅壁不與戰是時彭越渡睢水與項聲薛公
戰下邳彭越大破楚軍項羽乃引兵東擊彭越漢王亦
引兵北軍成臯項羽已破走彭越聞漢王復軍成臯乃
復引兵西拔滎陽誅周苛縱公而虜韓王信遂圍成臯
漢王跳獨與滕公共車出成臯玉門北渡河馳宿脩武
自稱使者晨馳入張耳韓信壁而奪之軍乃使張耳北
益收兵趙地使韓信東擊齊漢王得韓信軍則復振引

兵臨河南餐軍小脩武南欲復戰郎中鄭忠乃說止漢
王使高壘深塹勿與戰漢王聽其計使盧綰劉賈將卒
二萬人騎數百渡白馬津入楚地與彭越復擊破楚軍
燕郭西遂復下梁地十餘城淮陰已受命東未渡平原
漢王使酈生往說齊王田廣廣叛楚與漢和共擊項羽
韓信用蒯通計遂襲破齊齊王烹酈生東走高密項羽
聞韓信已舉河北兵破齊趙且欲擊楚則使龍且周蘭
往擊之韓信與戰騎將灌嬰擊大破楚軍殺龍且齊王

廣犇彭越當此時彭越將兵居梁地往來苦楚兵絕其糧食

四年項羽乃謂海春侯大司馬曹咎曰謹守成臯若漢

挑戰

挑田弔反下同

慎勿與戰無令得東而已我十五日必定

梁地復從將軍乃行擊陳留外黃睢陽下之漢果數挑

楚軍楚軍不出使人辱之五六日大司馬怒度兵汜水

汜音祀在成

臯故城東士卒半渡漢擊之大破楚軍盡得楚國金

玉貨賂大司馬咎長史欣皆自劉汜水上項羽至睢陽

聞海春侯破乃引兵還漢軍方圍鍾離昧於滎陽東項羽至盡走險阻韓信已破齊使人言曰齊邊楚權輕不為假王恐不能安齊漢王欲攻之留侯曰不如因而立之使自為守乃遣張良操印綬立韓信為齊王項羽聞龍且軍破則恐使盱台人武涉往說韓信韓信不聽楚漢久相持未決丁壯苦軍旅老弱罷轉饟漢王項羽相與臨廣武之間而語項羽欲與漢王獨身挑戰漢王數項羽曰始與項羽俱受命懷王曰先入定關中者王之

項羽負約王我於蜀漢罪一項羽矯殺卿子冠軍而自尊罪二項羽已救趙當還報而擅劫諸侯兵入關罪三懷王約入秦無暴掠項羽燒秦宮室掘始皇帝冢私收其財物罪四又彊殺秦降王子嬰罪五詐阮秦子弟新安二十萬王其將罪六項羽皆王諸將善地而徙逐故主令臣下爭叛逆罪七項羽出逐義帝彭城自都之奪韓王地并王梁楚多自予罪八項羽使人陰弑義帝江南罪九夫為人臣而弑其主殺已降為政不平主約

不信天下所以不容大逆無道罪十也吾以義兵從諸
侯誅殘賊使刑餘罪人擊殺項羽何苦乃與公挑戰項
羽大怒伏弩射中漢王漢王傷胸乃捫足曰虜中吾指
漢王病創卧張良彊請漢王起行勞軍以安士卒毋令
楚乘勝於漢漢王出行軍行寒
孟反病甚因馳入成臯病愈
西入關至櫟陽存問父老置酒棗故塞王欣頭櫟陽市
留四日復如軍軍廣武關中兵益出當此時彭越將兵
居梁地往來苦楚兵絕其糧食田橫往從之項羽數擊

彭越等齊王信又進擊楚項羽恐乃與漢王約中分天下割鴻溝而西者為漢鴻溝而東者為楚項王歸漢王父母妻子軍中皆呼萬歲乃歸而別去項羽解而東歸漢王欲引而西歸用留侯陳平計乃進兵追項羽至陽夏南止軍與齊王信建成侯彭越期會而擊楚軍至固陵不會楚擊漢軍大破之漢王復入壁深塹而守之用張良計於是韓信彭越皆往及劉賈入楚地圍壽春

今壽

州漢王敗固陵乃使使者召大司馬周殷舉九江兵而

迎之武王行屠城父

父音甫今亳州縣

隨何劉賈齊梁諸侯皆

大會垓下立武王布為淮南王

五年高祖與諸侯兵共擊楚軍與項羽決勝垓下淮陰

侯將三十萬自當之孔將軍居左費將軍居右皇帝在

後絳侯柴將軍在皇帝後項羽之卒可十萬淮陰先合不利

却孔將軍費將軍縱

二人韓信將也縱字為絕句孔將軍蓼侯孔熙費

侯陳賀也楚兵不利淮陰侯復乘之

復侯富反乘猶登也進也

大敗垓下

項羽卒聞漢軍之楚歌以為漢盡得楚地項羽乃敗而

走是以兵大敗使騎將灌嬰追殺項羽東城斬首八萬
遂畧定楚地魯為楚堅守不下漢王引諸侯兵北示魯
父老項羽頭魯乃降遂以魯公號葬項羽穀城還至定
陶馳入齊王壁奪其軍正月諸侯及將相相與共請尊
漢王為皇帝漢王曰吾聞帝賢者有也空言虛語非所
守也吾不敢當帝位羣臣皆曰大王起微細誅暴逆平
定四海有功者輒裂地而封為王侯大王不尊號皆疑
不信臣等以死守之漢王三讓不得已曰諸君必以為

便便國家甲午乃即皇帝位汜水之陽

汜音敷劬反括地志云高祖即

位壇在曹州濟陰縣界張晏曰汜水在濟陰界取其記愛弘大而潤下

皇帝曰義帝無後

齊王韓信習楚風俗徙為楚王都下邳

音被悲反泗州下邳縣是楚王

韓信之部

立建成侯彭越為梁王都定陶

曹州濟陰縣城是梁王彭越之都

故韓王信為韓王都陽翟

洛州陽翟縣是韓王信之都

徙衡山王吳

芮為長沙王都臨湘

括地志云潭州長沙縣本漢臨湘縣長沙王吳芮都之芮墓在長沙

縣北四里

番君之將梅鋗有功從入武關故德番君淮南王

布燕王臧荼趙王敖皆如故天下大定高祖都雒陽諸

侯皆臣屬故臨江王驩為項羽叛漢令盧綰劉賈圍之不下數月而降殺之雒陽五月兵皆罷歸家諸侯子在關中者復之十二歲其歸者復之六歲食之

食音寺

一歲高祖置酒雒陽南宮

括地志云南宮在雒州雒陽縣東北二十六里洛陽故城

中輿地志云秦時已有南宮

高祖曰列侯諸將無敢隱朕皆言其情

吾所以有天下者何項氏之所以失天下者何高起王陵對曰陛下慢而侮人項羽仁而愛人然陛下使人攻城畧地所降下者因以予之與天下同利也項羽妬賢

嫉能有功者害之賢者疑之戰勝而不予人功得地而不予人利此所以失天下也高祖曰公知其一未知其二夫運籌策帷帳之中決勝於千里之外吾不如子房鎮國家撫百姓給餽饗不絕糧道吾不如蕭何連百萬之軍戰必勝攻必取吾不如韓信此三者皆人傑也吾能用之此吾所以取天下也項羽有一范增而不能用此其所以為我擒也高祖欲長都雒陽齊人劉敬說及留侯勸上入都關中高祖是日駕入都關中六月大赦

天下十月燕王臧荼反攻下代地高祖自將擊之得燕

王臧荼即立太尉盧綰為燕王使丞相噲將兵攻代其

秋利幾反

幾音機姓名也項羽之將為陳縣令降漢高帝徵諸侯利幾恐故反

高祖自將

兵擊之利幾走利幾者項氏之將項氏敗利幾為陳公

不隨項羽亡降高祖高祖侯之潁川高祖至雒陽舉通

侯籍名之而利幾恐故反

六年高祖五日一朝太公如家人父子禮太公家令說

太公曰天無二日土無二王今高祖雖子主也太公

雖父人臣也奈何令人主拜人臣如此則威重不行後
高祖朝太公擁篲迎門却行高祖大驚下扶太公太公曰
帝人主也奈何以我亂天下法於是高祖乃尊太公為
太上皇心善家令言賜金五百斤十二月人有上變事
告楚王信謀反上問左右左右爭欲擊之用陳平計乃
偽遊雲夢會諸侯於陳楚王信迎即因執之是日大赦
天下田肯賀因說高祖曰陛下得韓信又治秦中秦形
勝之國帶河山之險縣隔千里持戟百萬秦得百二馬

地勢便利其以下兵於諸侯譬猶居高屋之上建瓴水也夫齊東有琅邪即墨之饒南有泰山之固西有濁河之限北有勃海之利地方二千里持戟百萬縣隔千里之外齊得十二焉故此東西秦也非親子弟莫可使王齊矣高祖曰善賜黃金五百斤後十餘日封韓信為淮陰侯分其地為二國高祖曰將軍劉賈數有功以為荆王王淮東弟交為楚王王淮西子肥為齊王王七十餘城民能齊言者皆屬齊

按言齊之遠國次秦中故封子肥七十餘城近齊城邑能齊言

者咸割屬齊親子故
大其都也蓋說恐非

乃論功與諸列侯剖符行封徙韓

王信太原

七年匈奴攻韓王信馬邑

按神記云昔秦人築城於武周塞以備胡城將成而崩者

數矣有馬馳走周旋反覆父老異之因依以築城乃不崩遂名馬邑括地志云朔州城漢鴈門即馬邑縣城也
攻韓信於馬邑即此城 信因與同謀反太原白土曼丘臣王黃立

故趙將趙利為王以反高祖自往擊之會天寒士卒墮

指者什二三遂至平城

括地志云朔州定襄縣本漢平城縣縣東北三十里有白登山

山上有臺名曰白登臺漢書匈奴傳云蹋頓圍高帝於白登七日即此也服虔云白登臺名去平城七里李穆

叔趙記云平城東七里有土山高百餘尺方十餘里亦謂此也匈奴圍我平城七日而

後罷去令樊噲止定代地立兄劉仲為代王二月高祖

自平城過趙雒陽至長安長樂宮成丞相已下徙治長安

八年高祖東擊韓王信餘反寇於東垣蕭丞相營作未

央宮

括地志云未央宮在雍州長安縣西北十里長安故城中顏師古云未央殿雖南鄉而常上書奏事

謁見之徒皆詣北闕公車司亦在北馬是則以北闕為正門而又有東門東闕至於西南而無門闕也蕭何初立未央宮以厭勝之術理宜然也按北闕為正者蓋象秦作前殿渡渭水屬之咸陽以象天極閣道絕漢抵營

宮立東闕北闕前殿武庫太倉高祖還見宮闕壯甚怒

謂蕭何曰天下匈匈苦戰數歲成敗未可知是何治宮

室過度也蕭何曰天下方未定故可因遂就宮室且夫

天子以四海為家非壯麗無以重威且無令後世有以

加也高祖乃說高祖之東垣過栢人

括地志云栢人故城在邢州栢人縣

西北十二里漢栢人屬趙國

趙相貫高等謀弑高祖高祖心動因不

留代王劉仲棄國亡自歸雒陽廢以為合陽侯

括地志云郃陽

故城在同州河西縣三里魏文侯十七年攻秦至鄭而還築在郃水之陽也

九年趙相貫高等事發覺夷三族廢趙王敖為宣平侯

是歲徙貴族楚昭屈景懷齊田氏關中未央宮成高祖
大朝諸侯羣臣置酒未央前殿高祖奉玉卮起為太上
皇壽曰始大人常以臣無賴不能治產業不如仲力今
某之業所就孰與仲多殿上羣臣皆呼萬歲大笑為樂
十年十月淮南王黥布梁王彭越燕王盧綰荆王劉賈
楚王劉交齊王劉肥長沙王吳芮皆來朝長樂宮

括地志云

秦櫟陽故宮在雍州櫟陽縣北三十五里秦獻公所造三輔黃圖云高祖都長安未有宮室居櫟陽宮也

春

夏無事七月太上皇崩櫟陽宮楚王梁王皆來送葬赦

樂陽囚更命鄠邑曰新豐

作麗音力知反括地志云新豐故城在雍州新豐縣西南

四里漢新豐宮也太上皇時懷愴不樂高祖切因左右問故答以平生所好皆屠販少年酤酒賣雞蹴踘以此為歡今皆無此故不樂高祖乃作新豐徙諸故人實之太上皇乃悅按前于麗邑築城寺徙其民實之未改其名太上皇崩後

命曰新豐

八月趙相國陳豨反代地上曰豨嘗為吾

使甚有信代地吾所急也故封豨為列侯以相國守代令乃與王黃等劫掠代地地吏民非有罪也其赦代民九月上自東往擊之至邯鄲上喜曰豨不南據邯鄲而阻漳水吾知其無能為也聞豨將皆故賈人也上曰

吾知所以與之乃多以金啗豨將豨將多降者

十一年高祖在邯鄲誅豨等未畢豨將侯敞將萬餘人

游行王黃軍曲逆張春渡河

陳豨將也又劉伯莊云彼時聊城在黃河之東王莽

時乾令濁河西北也今在博州西北深丘道里記云王莽元城人居近河側祖父墳墓為水所衝引河入深州

此王莽河

擊聊城

括地志云故聊城在博州聊城縣西二十里春秋時齊之西界聊城也戰

國時亦為齊地秦漢皆為東郡之聊城也

漢使將軍郭蒙與齊將擊大破之

太尉周勃道太原入定代地至馬邑馬邑不下即攻殘

之豨將趙利守東垣高祖攻之不下月餘卒罵高祖高

祖怒城降令出罵者斬之不罵者原之於是乃分趙山
北立子恒以為代王都晉陽春淮陰侯韓信謀反關中
夷三族夏梁王彭越謀反廢遷蜀復欲反遂夷三族立
子恢為梁王子友為淮陽王秋七月淮南王黥布反東
并荆王劉賈地北渡淮楚王交走入薛高祖自往擊之
立子長為淮南王

十二年十月高祖已擊布軍會甄布走令別將追之高祖

還歸過沛留置酒沛宮

括地志云沛宮故地在徐州沛縣東南二十里一步

悉召

故人父老子弟縱酒發沛中兒得百二十人教之歌酒

酣高祖擊筑

音竹應劭云狀似瑟而大頭安弦以竹擊之故名曰筑顏師古云今筑形似瑟而小

項細自為歌詩曰大風起兮雲飛揚威加海內兮歸故鄉

安得猛士兮守四方令兒皆和習之高祖乃起舞慷慨
傷懷泣數行下謂沛父兄曰游子悲故鄉吾雖都關中
萬歲後吾魂魄猶樂思沛且朕自沛公以誅暴逆遂有天
下其以沛為朕湯沐邑復其民世世無有所與沛父兄
諸母故人日樂飲極驩道舊故為笑樂十餘日高祖欲

去沛父兄固請留高祖高祖曰吾人衆多父兄不能給

乃去沛中空縣皆之邑西獻高祖復留止張

音張亮反

飲三

日沛父兄皆頓首曰沛幸得復豐未復唯陛下哀憐之

高祖曰豐吾所生長極不忘耳吾特為其以雍齒故反

我為魏沛父兄固請乃并復豐比沛於是拜沛侯劉濞

為吳王漢將別擊布軍洮水南北皆大破之追得斬布都

陽樊噲別將兵定代斬陳豨當城

括地志云當城在朔州定襄縣界土地十

三州記云當城在高柳東八十里縣當常山故曰當城

十一月高祖自布軍至長

安十二月高祖曰秦始皇帝楚隱王陳涉魏安釐王齊湣王趙悼襄王皆絕無後予守冢各十家秦皇帝二十家魏公子無忌五家赦代地吏民為陳豨趙利所劫掠者皆赦之陳豨降將言豨反時燕王盧綰使人之豨所與陰謀上使辟陽侯迎綰審食其也括地志云辟陽故城在冀州信都縣西三十五里漢舊綰稱病辟陽侯歸具言綰反有端矣二月使樊噲周勃將兵擊燕王綰赦燕吏民與反者立皇子建為燕王高祖擊布時為流矢所中行道病病甚呂后迎良醫醫

曰病可治於是高祖嫚罵之曰吾以布衣持三尺劔取天下此非天命乎命乃在天雖扁鵲何益遂不使治病賜金五十斤罷之已而吕后問陛下百歲後蕭相國即死令誰代之上曰曹參可問其次上曰王陵可然陵少戇陳平可以助之陳平智有餘然難以獨任周勃重厚少文然安劉氏者必勃也可令為太尉吕后復問其次上曰此後亦非而所知也盧綰與數千騎居塞下候伺幸上病愈自入謝四月甲辰高祖崩長樂宮四日不發喪

呂后與審食其謀曰諸將與帝為編戶民今北面為臣此常快快令乃事少主非盡族是天下不安人或聞之語酈將軍酈將軍往見審食其曰吾聞帝已崩四日不發喪欲誅諸將誠如此天下危矣陳平灌嬰將十萬守滎陽樊噲周勃將二十萬定燕代此聞帝崩諸將皆誅必連兵還鄉以攻關中大臣內叛諸侯外反亡可翹足而待也審食其入言之乃以丁未發喪大赦天下廬綰聞高祖崩遂亡入匈奴而寅葬已已立太子

丙寅葬後四日至已巳即

立太子為帝有本脫已字者妄引漢書云已下者非

至太上皇廟

三輔黃圖云太上皇廟在長安

城香室南馮翊府北括地志云漢太上皇廟在雍州長安縣西北長安故城中酒池之北高帝廟北高帝廟亦在故城中也

羣臣皆曰高祖起微細撥亂世反之正平定天

下為漢太祖功最高上尊號為高皇帝太子襲號為皇

帝孝惠帝也令郡國諸侯各立高祖廟以歲時祠及孝

惠五年思高祖之悲樂沛以沛宮為高祖原廟高祖


所教歌兒百二十人皆令為吹樂後有缺輒補之高帝

八男長庶齊悼惠王肥次孝惠呂后子次戚夫人子趙

隱王如意次代王恒已立為孝文帝薄太后子次梁王
恢呂太后時徙為趙共王次淮陽王友呂太后時徙為
趙幽王次淮南厲王長次燕王建

太史公曰夏之政忠忠之敝小人以野故殷人承之以
敬敬之敝小人以鬼故周人承之以文文之敝小人以
僂故救僂莫若以忠三王之道若循環終而復始周秦
之間可謂文敝矣秦政不改反酷刑法豈不繆乎故漢
興承敝易變使人不倦得天統矣朝以十月車服黃屋左

蘇葬長陵



史記正義卷八